



12

T 3210/8546.81





CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAY 7 1940

錢塘縣志卷之十一

錢塘縣志

郵政

錢塘縣知縣南樂魏嶺纂

哈佛大學漢和
圖書館珍藏印

郵政之志所以表王仁而永帝澤也晉以前錢塘無
所考嗣後備詳然統覽歷代要未有蠲復肆赦如我
皇上之歷年久而施恩溥者也貯穀以備凶荒截漕以活
餓殍美不勝書載其大者志郵政

蠲例

晉武帝太康元年給復吳中有差

是年吳平渡江將吏
復十年百姓及百工

復二十年

唐憲宗元和二年李錡伏誅浙西六州奉詔以錡家財代今年租稅

穆宗長慶二年停浙西脂盞造辦

時詔下浙西造盞子二十具計用銀一萬

三千兩金二百三十兩德裕奏以為昨進兩具皆百計收市支費不足臣若因循不奏則負陛下任使之恩若分外誅求又累陛下慈儉之德九月罷浙西伏乞宣令宰臣商議時有詔罷進奉

織造盤縵綾

時詔取盤縵綾一千匹李德裕奏言立鶯天馬盤縵掬豹文彩怪麗惟乘輿

當御今廣用千匹臣所未喻優詔停止容齋隨筆曰崇寧間中使持御札至成都令轉運使織戲龍羅二千繡旗五百副使何常奏旗者軍國之用敢不奉詔戲龍羅惟供御服日衣一匹歲不過三百有奇今

乃數倍無益也詔獎其言為減四之三合二事觀之批鱗之誠轉圜之美正相得益彰云

宣宗大中九年罷浙西織貢

僖宗乾符三年夏五月浙西旱詔理囚免今年稅

昭宗大順二年秋八月浙西奏詔免逋負

宋太宗太平興國三年錢俶納土詔除錢氏苛政

錢氏據兩

浙踰八十年外厚貢獻內事奢僭地狹民衆賦歛苛暴斗升之逋罪至鞭背以所負多少量為笞數民苦其政上使范旻知兩浙諸州事旻悉條奏請蠲除之詔從其請四年五月赦兩浙

給復一年七年春二月兩浙諸州奉詔除逋稅

雍興二年免杭州隨稅酒錢

先是兩浙漕司罷杭州權酷令民隨稅輸錢既而富

家擅利貧弱重困遂
詔復舊制停所均錢

淳化五年除兩浙諸州民錢俶時逋負

按錢氏納土在太平興國三年

至此計十七年矣而始聞除免豈前猶未及此項耶

真宗咸平二年冬十月免中等戶今歲丁身錢

以旱故

神宗元豐五年免杭州買撲場務積欠錢

從司農寺丞韓宗良之請

也

哲宗元祐五年下積欠帶納法

詔府界諸路人戶積年負欠以十分為率每年

隨夏秋料各帶納一分願併納者聽又詔諸路負欠許將斛米增價折納

元符三年下兩浙轉運司積欠撥還法

十二月徽宗即位詔兩浙轉運

司舊欠及他司錢物斛斗總計六百五十餘萬分作十五年撥還仍自建中靖國元年為始

高宗紹興元年蠲夏稅和買紬絹絲帛 二年免逋稅

詔曰朕遭時艱難遂為行國駐蹕去處理合優異寬恤民力始稱朕懷其臨安諸縣人戶拖欠租稅等物合行停閱者並特與放免如官吏日後復行催納者依沮格詔令科罷免 冬十一月量

除酒稅

用知州事宋輝之言也

三年春二月錢塘仁和免民基

地和買 八年春正月臨安府詔減夏稅折輸錢 十

四年二月蠲江浙諸路逋欠錢 三月蠲江浙積欠上

供錢米

是年已再見蠲矣六月又賑江浙被水之民是半歲中再蠲一賑也其他如蠲江浙折帛錢免江浙和糴免中戶以下積年逋負減歲供軍器所物料三之一仁恩亦可謂渥矣

二十六

年秋七月罷歲貢服貢綾 二十九年春正月除歲供

修內司錢 計三萬六千緡 三十一年夏六月蠲臨安府禁軍

闕額錢

孝宗乾道四年省沿路繁稅 詔自行在至建康府沿路徵稅頗繁可省者省之

淳熙元年蠲民身丁錢 以大兩壞稼故也是年再蠲臨安府身丁錢又蠲放秋苗一半

按此後淳熙七年八年十年光宗紹熙元年寧宗慶元四年嘉泰元年皆有身丁蠲免郵災傷也多不勝書故

附於此 六年冬十二月蠲租 八年冬十一月臨

安饑浙東常平使者朱熹論荒政請蠲田賦身丁錢 江

浙等三十八郡並免之仍蠲富陽新城錢塘夏稅賑臨安府飢民 十一年知臨安

府張杓請免諸縣逋欠 杓知臨安府恩威並用奏免餘杭水傷及免諸縣目前逋欠

光宗紹熙三年夏四月蠲民逋欠

寧宗慶元二年蠲民身丁錢 寧宗在位三十年蠲臨安民身丁者十年減和買折

帛錢三年蠲臨安府逋欠酒錢二十四萬 四年蠲 又蠲臨安茶鹽賞錢又蠲臨安貧民夏稅

租

嘉定三年富陽縣令樓瀟請蠲石版之役及免魚行屠

戶冶戶錢

理宗寶慶二年七月蠲臨安府酒取贓賞錢 理宗卽位二年以久

雨蠲臨安府酒取贓賞錢自此至景定每歲屢蠲紹定六年蠲臨安竹木之徵三月景定三年蠲臨安府

稅三月平
物價也

寶祐四年冬十一月蠲近例歲貢

度宗咸淳元年夏四月免臨安官私房僦地錢
戊申為度宗乾

會節如上免徵再免在京徵商
三月自是祥慶災異寒暑皆免
八年冬十月臨安

水溢詔減田租
十月庚戌以秋雨水溢詔減錢塘仁和兩縣民田租什二
十年秋

七月除見追贖賞錢
九月免徵公私賃錢

帝熈德祐元年奉免公田逋米及諸處見監贓

元世祖至元十三年除宋冗役
世祖并宋後詔諭田租商稅茶鹽酒醋金銀鐵

冶竹貨湖泊課程從實辦納凡故宋繁冗科
聖節上供經總制錢等百有餘科悉除免之
二十

五年免儒戶雜徭
江南諸路學田昔皆隸官二十三年詔復給本學以便教養至是年又免

儒戶
雜徭
二十八
年弛西湖禽魚禁
弛禽魚禁聽民網罟後武宗即位弛

山澤之禁
民始蕪息
五月免杭州今年田租
三十年減市

舶司稅
三月已亥翰林學士承旨劉夢炎言杭州温州至泉州置市舶司凡七所惟泉州物貨三十取

一餘皆十五抽一乞以泉州為定制從之
仍并温州舶司入慶元杭州舶司入稅務

成宗大德六年大赦免納江淮夏稅
成宗詔赦天下內云江淮以南夏稅

諸路村鄉人戶散辦
門攤課程並蠲免之
七年饑免今年夏稅
大德七年浙西

飢免今年夏稅
并各戶酒醋課

武宗至大元年免杭州等路今年酒課十分之三
武宗即位

免江浙酒醋門攤一年
元史云以比歲飢饉也

二年春三月減杭州諸館

驛貢獻資給

泰定帝泰定二年赦除江淮勑科包銀

賑例

吳大帝赤烏三年饑詔賑給

晉成帝咸康元年饑遣使賑給

楊州諸郡饑成帝遣使開倉賑給

宋文帝元嘉中三吳水彭城王義康勒令平糴

三吳水潦穀貴

彭城王義康言富商蓄米日增其價宜頒下所在稽其虛實令蓄積之家留一年儲餘皆勒使貨糴為制平價又沿淮歲豐令三吳飢人往稱貸又使強壯轉運以贍老弱

元嘉十二年大水命揚州從事史沈演之拯卹

唐肅宗乾元元年詔州縣勿科率

十月詔浙江水旱百姓重困州縣勿輒科

率民疫死不能葬者瘞之

代宗大曆十一年春三月右散騎常侍蕭昕奉詔來杭

宣慰賑給

文宗太和六年夏五月杭州災疫

浙西觀察丁公著奏聞詔賜米二萬石賑

之

宋太宗淳化四年饑遣使巡撫

詔以江浙淮饑遣使巡撫諸道有可惠民者得

便宜從事

真宗咸平二年遣使賑兩浙

詔出米十萬石賑兩浙貧民

五年饑

賑濟兩浙

兩浙提刑鍾離瑾言百姓闕食官設糜粥民競赴之有妨農事請下轉運司量出米賑濟

家得一斗從之

大中祥符六年冬十月發廩賤糶以濟饑民

從轉運使陳堯佐之

請也

仁宗皇祐二年旱知州事范仲淹發粟賑之

吳中大饑時范文正

仲淹知杭州發粟及募給餉為術甚備杭俗好佛事喜競渡仲淹自春至夏日出宴於湖山縱民競渡居民空巷出遊召諸寺主僧諭以歲饑工價至賤可興造殿宇又新廩倉吏舍日役千夫監司奏劾杭州不郵荒政嬉遊不節公私興造傷耗民財仲淹乃條叙所以宴遊興造正欲發有餘之財以惠貧者俾工技

貿易之人皆得仰食於公私荒政之施莫此為大既而兩浙惟杭州晏然民不流亡皆仲淹之力也

仁宗熙寧元年水詔賑濟

降空名度牒五百道付兩浙運司分賜本路召人納米或

錢賑濟

哲宗元祐五年水知杭州蘓軾乞預糶常平米

知杭州蘓軾奏浙西災傷第一狀臣聞事豫則立不豫則廢此古今不刊之語也至於救災卹患尤當在早若災傷之民救之于未饑則用物約而所及廣不過寬減上供糶賣常平官無大失而人人受賜今歲之事是也若救之於已饑則用物博而所及微至于耗散省會虧損課利官為一困而已饑之民終於死亡熙寧之事是也熙寧之災傷本緣天旱米貴而沈起張覲之流不先事奏聞但務立賞閉糶富民皆爭藏穀小民無所得食流殍既作然後朝廷知之始勅運江西及截本路上供米乙百二十三萬石濟之

沿門給米攔街散粥終不能救饑饉既成繼以疾疫本路死者五十餘萬人城郭蕭條田野丘墟兩稅課利皆失其舊勘會熙寧八年本路放稅米一百三十萬石酒課虧減六十七萬餘貫畧計所失共計二百二十餘萬貫石其餘耗散不可悉數至今轉運司貧乏不能舉手此無他不先事處置之過也去年浙西數郡先水後旱災傷不減熙寧然二聖神智聰明于去年十一月中首發德音截撥本路上供斛斗二十萬石賑濟又于十二月中寬減轉運司元祐四年上供額解三分之一為米五十餘萬斛盡用其錢買銀絹上供了無一毫虧損縣官而命下之日所在歡呼官既住糶米價自落又自正月開倉糶常平米仍免數路稅務所收五穀力勝錢且賜度牒三百道本路帖然遂無一人餓殍者此無他先事處置之力也由此觀之事豫則立不豫則廢其禍福相絕如此去歲杭州米價每斛至八九十自今歲正月以來日漸減落至五六月間浙西數郡大雨不止太湖泛溢所在害稼六月初間米價復長至七月初斛及百錢足陌

見今新米已出而常平官米不敢住糶災傷之勢恐甚于去年何者去年之災如人之病今歲之災如病再發病狀雖同氣力衰耗恐難支持又緣春夏之交雨水調勻浙人喜于豐歲家家典賣舉債出息以事田作車水築圩高下殆遍計本已重指日待熟而淫雨風濤一舉害之民之窮苦實倍去歲何以言之去年杭州常平米二十三萬石今年已糶過十五萬石雖餘八萬石而糶米未已又緣去年災傷放稅及和糶不行省倉闕數所有上件常平米八萬石只了兌撥充軍糧更無見在惟有糶常平米錢近八萬貫而錢非救饑之物若來年米益貴錢益輕雖積錢如山終無所用熙寧中兩浙市易出錢百萬緡民無貧富皆得取用而米不可得故曳羅紈帶金玉橫尸道上者不可勝計今兩浙東西大抵皆糶過常平米見在數絕少熙寧之憂凜凜在人眼中矣臣材力短淺加之衰疾而一路生齒憂責在臣受恩既深不敢別乞開郡日夜思慮求來年救饑之術別無長策惟秋冬之間不惜高價多糶常平米以備來年米出糶今者

浙西數州米既不熟而轉運司又管上供年額斛斗一百五十餘萬石若兩司爭糴米必大貴饑饉益速和糴不行官吏拱手坐視人死而山海之間接連甌閩盜賊結集或生意外之患則誅殛臣等何補于敗伏望聖慈
六年水知杭州蘓軾乞將上供封樁斛備錄臣奏

斗應副浙西諸郡接續糴米

蘓軾劄子 臣伏見浙西諸郡二年災傷而今歲大

水蘓湖常三郡水通為一農民棲于丘墓舟楫行于市井父老皆言耳目未曾聞見流殍之勢甚于熙寧臣聞熙寧中杭州死者五十餘萬蘓州三十餘萬未數他郡今既秋田不種正使來歲豐稔亦須七月方見新穀其間饑饉變故未易度量吳人雖號柔弱不為大盜而宣歙之民勇悍者多以販鹽為業百十為羣往來浙中以兵杖護送私鹽官司以其不為他盜故畧而不問今人既無食不暇販鹽則此等失業聚而為寇或得豪猾為之首帥則非復巡檢縣尉所能辦也臣在浙中二年親行荒政只用出糴常平米一

事更不施行餘策而米價不湧卒免流殍蓋緣官物有限饑民無窮若兼行借貸俵散則力必不及中路闕絕大悞饑民不免拱手而視億萬之死也不如併力一意需務糴米若糴米不絕則市價平和人人受賜縱有饑民無錢可糴不免流殍蓋亦有限量矣伏乞聖慈速降指揮合兩浙運司限一兩日內約度浙西諸郡合糴米斛酌中數目直至來年七月中除見在外合用若干石入急遞奏聞候到即指揮發運使官吏于轄下諸路封樁及年計上供錢斛內擘畫應副須管接續起發赴浙西諸郡糴賣不管少有缺絕仍只依地頭元價及量添水脚錢出賣及賣到米價錢並用收買金銀還充上供及封樁錢物所貴錢貨流通不至錢荒所有借貸俵散之類候出糴有餘方得施行似此計置雖是數目浩瀚然止于糴賣不失官本似亦易副如蒙施行即乞先降手詔令監司出榜曉諭軍民不惟安慰人心破姦雄之謀亦使所蓄之家知不久官米大至自然趁時出賣所濟不少惟望聖明深愍一方危急早賜施行取進止 按元祐

六年之水杭州死者五十萬人詔
賜米五十萬石錢十萬緡賑之

高宗建炎四年知臨安府李光奏免九縣科配

紹興二年冬令戶部發廩賑臨安以火災故

紹興十四年水賑江浙被災者 二十八年水詔出常

平米賑濟浙東西田苗損于風水高宗詔出常平米賑之更令以義倉賑濟災及五分者即奏

孝宗隆興二年水詔出帑銀賑濟霖雨害稼出內帑銀四十萬兩付戶部變

糴以濟之其年淮民流于江浙十數萬官司雖濟而米斛有限乃詔民間不曾經水災處占田萬畝者糴

三千石萬畝以下糴一千石 七年大饑蠲賦予粟十五萬石

淳熙十四年臨安府九縣饑發廩二十萬石以賑

光宗紹熙元年賑貧民二月乙酉出米五萬石賑京城貧民

寧宗慶元元年春三月大疫出內帑錢為貧民醫藥棺

費及賜諸軍疫死者 五月霖雨命臨安府賑卹之自五

月至八月久雨壞城郭壓損民廬人多疫死者乃命賑恤之

嘉泰元年春三月郡城大火詔出錢米賑卹被火者家

三月火至四月辛巳火方滅詔出內帑錢五十六萬三千五百七十一緡米六萬五千一百九十二斛四

斗付臨安府分給之 四年大火賜諸軍犒賞仍賑卹被燬者

家又出米二萬石賑江淮流民

嘉定元年春正月饑賑給流民時斗米千錢 二年賑貧民

出內庫錢十萬緡為貧民棺槨又賜行在諸軍死者錢八月又出米十萬石賑兩淮流民三年

夏四月賜軍民錢出內庫錢二十萬緡給賜六年水賑兩浙諸

州以大水故七年出內帑錢賑臨安府貧民八年出米六萬石賑糶臨安府貧民九年臨安饑閭巷有殍令

賑粟蠲逋十五年出米五萬石賑臨安貧民十七年命臨安府賑糶貧民

理宗紹定二年冬寒詔恤臨安貧乏以雪寒詔出封樁庫緡錢三十萬賑

卹臨安貧乏五年三月以陰雨詔出豐儲倉米五萬石以紓民食

嘉熙四年秋七月旱詔出封樁庫賑臨安貧民理宗乙丑詔令

臣直言闕失無隱又詔有司賑災卹刑又通者詔出封樁緡錢三十萬賑臨安貧民

淳祐九年春正月置慈幼局正月癸亥詔給官田五百畝命臨安府創慈幼局收

養道路遺棄嬰兒仍置藥局療貧民疾病

景定三年臨安大水詔守臣賑之民溺死者甚眾詔守臣給槨瘞之

臨安饑榮王與芮出積粟濟之時馬光祖知榮王與芮府有積粟三往見之王

以他辭光祖乃卧於客次王不得已見焉光祖曰天下誰不知儲君為大王子今民饑欲死不以此時收

人心乎王以廩虛辭光祖探懷中出片紙曰某莊某倉若干王語塞遂許以三十萬光祖遣吏分給所活

饑民甚眾

度宗咸淳元年閏五月水詔發錢賜之五月久雨京城咸直糶米三萬

石自是米價高即發廩平糶以為常又發錢二十萬贍在京小民錢二十萬賜殿步馬軍司人錢二萬二

千賜宿衛自是行慶恤灾或遇霪雨雪寒咸賜如上數武林舊事云都民素驕非惟風俗所致蓋生長輦

下勢使之然若住屋則動蠲公私房賃或終歲不償
一環諸務稅息亦多蠲放諸項窠名恩賞有黃榜錢
雪降有寒雪錢久雨久晴又有賑恤錢米大家富室
則又隨時有所資給大官拜命則有捨節錢病則有
施藥局童幼則有慈幼局貧而無依則有養
濟院死而無殮則有漏澤園民生何其幸歟 冬十

二月賜錢仁二縣者民粟帛 詔錢塘仁和兩縣民年七十至九十以上者賜帛及

酒 十年秋七月賑贍細民

元世祖至元二十四年杭州大水詔免田租 浙西諸路水免今年

田租十之二 二十五年杭州大水發粟賑之 尚書省臣言近以江

淮饑命行省賑之吏與富民相結為奸多不及貧民今蘓杭湖秀四州復大水民鬻妻女易食請輟上供

米二十萬石審其尤貧者以賑帝從其言 二十八年春二月杭州饑詔

發粟賑之 三月又發粟

成宗元貞二年夏四月杭州火詔賑卹

大德二年夏四月至秋七月水詔賑饑民 三年秋七

月杭州饑詔以糧萬石減價糶之 冬十一月杭州火

詔發粟賑 六年夏四月杭州饑詔發粟賑 杭州嘉興湖州等路

饑賑糧二十五萬一千餘石 八年秋八月杭州火詔發粟賑之

十一年杭州大饑詔輸本省官租賑之 江浙饑中書省臣言請命

本省官租于九月先輸三分之一以備賑給又兩淮漕河淤澁官議疏濬鹽一引帶收鈔二貫為傭費計鈔二萬錠今河通宜移以賑饑民杭州一郡歲以酒糜米麥二十八萬石賑之制可按是年成宗崩武宗

即位本紀云七月浙江饑詔行省發粟賑之又云江浙屬郡饑于鹽茶課鈔內折粟賑之詔富家能以私粟賑貸者量授以官又云八月浙東西饑遣官賑之又云九月中書省云云是一年四賑何其渥也又曰冬十月杭州水詔發粟賑饑民

武宗至大元年冬十一月賑杭州饑共發糧五十萬一千二百石

杭州等路詔免今年酒課十分之三 四年杭州水詔

發漕糧賑之是年仁宗即位浙西水災詔免漕江浙糧米四分之一存留賑濟本紀云都水鹽傳

旨絡驛往取杭州所造龍舟省臣諫曰陛下踐祚延告天下凡非宣索毋得擅進誠取此舟有垂前詔止之

仁宗延祐元年秋九月杭州水詔發廩減價賑卹

英宗至治二年冬十一月杭州火賑卹

泰定帝泰定元年秋八月杭州大水傷稼詔賑之 二

年杭州路火發粟賑之杭州路火賑貧民糧一月三年八月辛卯杭州火亦賑糧一月

冬十二月杭州饑詔賑糶

文宗至順元年二月杭州火賑糧一月中書省言江浙民饑今歲海運

為米二百萬石其不足者來歲補運從之秋七月杭州水詔江浙行省以入粟補官鈔及勸率富人出粟賑之九月江浙行省言今歲夏秋霖雨大水沒民田甚多稅糧不滿舊額明年海運本省止可二百萬石餘數令他省補運為便從之 八月杭州火冬十月杭州又火詔

賑卹 冬十二月杭州饑詔賑糶 二年杭州大火詔

給被災者家

行省錄被災者戶給鈔二錠死者加之人給月米二斗幼穉半之

三年杭

州火命江浙行省量賑之

順帝元統元年旱命發賑

卽至順四年江浙旱饑順帝詔發義倉募富人入粟以

賑之二年杭州疫勅有司發義倉賑饑從中書省又發米鈔及募富人出粟賑之本紀云自春至于八月

不雨民大饑至次年二月始詔賑江浙饑民其救災卹患之意微矣 三年春三月杭

州水詔賑卹

杭州水災疾疫勅有司發倉賑之又詔發鈔四十萬錠賑饑開所在山場河泊之禁

聽民樵採

明蠲賑二事也自明以來歲歉時聞蠲賑並舉故彙爲一條

太祖洪武四年免民田稅糧

四月詔免兩浙今年夏稅秋糧九年三月詔免浙江

等郡今年稅糧

八年杭州等府水災賑之

遣戶部主事趙乾等賑卹

十年春三月錢塘仁和餘杭三縣水災賑之

三縣被水者戶給米

一石九月免今年田租

勅曰去歲浙西嘗被水災民人缺食朕嘗遣官驗戶賑濟

今雖時和年豐念去歲貸息必多既償之後窘乏不免今賴上天之眷田畝頗收若不全免被水之民今年田租不足甦其困苦爾中書其奉行之

十五年蠲免租糧

詔浙西稅糧官田減

牛民田盡免

成祖永樂二年冬十一月杭州水免今年租 三年秋

八月杭州府大水免今年租稅

泮民田七十四頃漂廬舍千二百八十二間溺

死民男女四百四十口戶部覆實免之

四年秋八月杭州流徙復業

民奉詔給粟 六年浙江布政司叅政黃勉奏罷杭州

柳箱青器盤椀 以非杭州所產故奏罷之 十二年冬十二月杭州

水災詔蠲田租 初有司議減半徵之上詔戶部尙書夏原吉等曰民田被水無收未有以賑之

又可徵稅耶 遂悉蠲之

仁宗洪熙元年夏六月杭州等府詔罷市諸物 巡按浙江監察

御史尹崇高奏朝廷近遣內官于浙江市買諸物拘集動擾供給繁勞宜皆取回惟令有司買納上諭尙書吳中等曰差遣中人本出權宜豈知勞擾如此今詔書已罷買諸物買完者令回未完者悉行停止

秋八月停織造之半 工部奏內府供用紵絲紗羅計九千疋請下蘓杭等府織造上

曰供用之物雖不可缺然當念民力可減半造

宣宗宣德七年減官田塘地糧 本府共減糧四萬三千二百一十六石

英宗正統五年冬十月杭州饑詔戶部覈實以聞 本府奏五

月至今年水旱傷稼秋糧無徵上命行在戶部覈實以聞 十一月巡撫侍郎周

忱奏以叅議武達副使王豫專理杭嘉湖預備之政 時

府水患未消流移未復綜理庶政必得專官故有是命 六年春二月巡按浙

江監察御史康榮請發廩平糶從之 榮奏杭州府地狹人稠浮食者多仰

給蘓松諸府今彼地水旱相仍穀米不至杭州遂困又湖州府比因歲凶米亦甚貴竊計二府官廩有二十年之積恐年久紅腐請發三十五萬糶于民間令依時值償納則朝廷不費而民皆受其惠矣從之

秋七月巡視浙江刑部郎中劉廣衡發粟賑杭州九

縣饑民 十二年春三月杭州災傷詔免去歲秋糧

八月杭州知府高安奏均酒醋課鈔上從其言仍令戶部布令天下

景泰五年夏五月杭州無麥禾詔覈實以聞 秋七月

浙江按察司副使羅篔奏勸民出粟賑濟戶部請如其言從之

十二月杭州府災傷詔免今年稅糧

天順元年夏四月免去年被災無徵糧米 四年夏五

月杭織造奉旨革罷先是蕪杭等處督造上用段匹七千已完至是太監阮忍復奏遣使

督造上曰蕪杭等處高匠不多絲料有限况人民艱窘其罷之 五年夏六月免去

年稅糧

憲宗成化元年秋七月賑饑民是歲各司府州縣奏久雨水潦黍無收稻苗腐

歲饑民貧戶部尚書馬昂請勅各官賑濟及措備糧儲以俟支給從之 九年秋八月

巡撫浙江右副都御史劉敷等條上災傷分豁事宜畧

浙江連年災傷財力困竭常賦尙逋額外豈能賠納一免海寧縣赭山湯鎮稅課局巡攔賠納稅課一免

本商北新 十二年冬十二月巡按御史呂鐘定擬

救荒事宜畧曰一民間無礙子弟有願納米充吏者布

都按三司一百石各府并運司七十石司府經歷司理問所斷事所各縣并有品級文職衙門五

十石雜職衙門三十石俱先查勘考試相應于缺糧倉分納米完日需次撥充以是年

八月風潮雨水泛溢故有是請 十三年春正月 命免去年秋糧籽粒馬草以上年水災故也 十四年春三月

杭州等府縣免收買花木 先是巡按浙江監察御史張銳等言浙江東南大藩朝廷

供需較他處為繁劇况連年水旱饑饉乞暫停收買花木以甦民困故有是命

弘治四年杭州水免稅糧 五年二月杭州府以旱災

免徵稅糧仍免是年供應物料十分之三 十四年夏

四月錢塘縣知縣胡道收瘞遺骸 先是掩骼埋胔之典久不舉行遺骸枕野

見之惻然乃命收斂共得遺骸可辨男女者七百一十七具其諸不完莫辨者無算皆集靈衛廟前道親

詣分給櫬槨次為一十五號瘞北山義塚自為文祭之 十六年夏六月詔減

杭州織造三分之一 先是府部等衙門請暫停織造并取還內官未幾太監鄧瑢又以供

應不足奏乞仍舊織造于是工部極言天變可畏民命可恤恩典不可虛大信不可失乞如前停止不然

亦乞量為寬減故有是命 冬十一月杭州府饑荒詔賑之 先是鎮守

等官奏杭州府荒歉命以北新關舡料并兩浙運司盤掣餘鹽價銀之半及先年召募農民助邊銀未解

者俱留賑濟詔從之 十七年春二月免徵秋糧 以上年夏旱災也

五月織造內臣奉旨取回 止行鎮巡等官督理織造從兵部尚書劉大夏等奏也

武宗正德十年春朱寧將以鈔易浙江銀左布政方良

永上書爭之乃止 時朱寧以鈔二萬發浙江十一府易銀三萬餘兩左布政使方良永言今

四方盜賊甫息瘡痍未起邊塞多虞浙東西諸郡自冬徂春雨雹為災蠶麥不利待哺之民嗷嗷千里此

何時也臣苟隱忍不言則已斂之財必入朱寧之手而民心傷矣民心傷則邦本動搖陛下不為之寒心

乎伏乞陛下下寧詔獄明正典刑仍乞急行巡按浙江御史會同鎮守三司等官將已斂鈔銀盡給還民

則民怨猶可解慰臣死且甘心如置之不問日復一日尾大不掉必蠶食天下肆無厭之求出于尋常所不料者疏入朱寧頗懼委過下人造
十二年巡按
衛卒追所發鈔而以價銀還之民

浙江監察御史宋廷佐查革均平解戶
仁錢二縣原額
審編均平解戶

三十役多至破家亡身廷佐廉知其弊盡行查革按察司紅櫃庫子一十二役最為繁重亦行改撥海寧

縣民困
稍甦

世宗嘉靖十年革罷鎮守浙江太監 二十一年北關

抽分戶部主事洪朝選減抽商稅
朝選始至關人有干
請求免稅者拒却之

曰此國稅也余何敢徇未滿前三月量舊額已足于是十減其二以惠商舡人多感悅 二十

二年熒惑犯南斗饑出預備倉穀賑之 四十五年春

二月戶部主事栗祁免權徵稅
初小民負貨物至關該
稅鈔二三分者槩同大

商寫單報稅納鈔領票權衡既重守候復艱祁至北關凡三分以下者俱免抽稅又終日開關凡農庄舡

出入無
一停滯

隆慶元年秋水改折漕糧三分
杭嘉湖三府水災錢塘
改折漕糧三分自嘉靖

二十一年至四十三年
九年三月減額編驛遞銀
減

州等府額編驛遞銀一萬七千七百三十兩有奇米
一百五十石永免派徵十二年免杭州小民拖欠馬

站皆從撫
十二年改折漕糧
六年詔以浙江等處
漕糧暫折二百萬以

按議也
十五年水蠲二
甦民困是年巡撫溫純援例以請
詔改折十分之三并免征收行糧

稅
給事中吳之鵬請蠲二稅戶部議稅糧停徵俟巡按
覈勘之日量免九月撫按疏乞停織造折漕糧預賑

恤等事惟鹽課贓罰係濟邊正項不准留餘報可按
萬曆時織造最為病民戶部請撤巡撫張佳 滕伯
輪請撤工部侍郎沈應又請免派徵言 十六年四
之者不一或暫撤暫停而竟不能絕也

月大饑詔弛平糴禁遏糴

浙直饑民多迫脅借貸事聞
命撫按嚴法懲警首惡尤當

弛平糴之令禁遏糴之風巡按蔡系周疏請蠲折准
免條銀二分糧米改折每石三錢六分見徵五分其
餘十七八年帶徵又設粥廠於鄉遂 二十四年十
間革民間斗級解戶諸困民益感之

月水詔改折漕糧

戶部題浙江杭嘉湖三府水災
照被災分數全半改折有差 二

十六年水詔免二稅

浙江水災免二稅有差錢塘縣被
災九分准免六分 按正統六年

置預備倉民有饑窘即時驗實賑濟如遇豐年仍依
例支給官銀平糴備用嘉靖六年詔有司照見行事
例設法多積穀米以備饑荒仍做古平糴法春放支
以賑貧民秋成抵斗還官不取息府以一萬石州以

四五千縣以二三千為率自此議行凡有
饑虛即發倉賑濟故錢塘少有流亡者 三十六

年十月水賑濟之

詔發鹽課儀真稅銀共十五萬兩賑
濟浙江杭嘉湖三府 是年浙東大

穰而閉糴甚厲杭城士民益岌岌矣獨臨海令聞省
會告饑乃募商人給票溯波濤至江上計發米豆可
二萬石聽商自運者不
與焉杭人賴以少濟

熹宗天啟四年饑詔改折漕糧

出諸倉米平糴民賴以
濟戶部請改折漕糧從

之

國朝

世祖章皇帝順治十二年旱免額賦有差

戶部覆據按臣
葉舟題稱錢仁

等十州縣被災姓名并輕重分數到部逐一查覈如
被災十分九分者照例免十分之三七分八分者免

十分之二五分六分者
免十分之一各著為令

今上皇帝康熙九年夏大水免額賦有差

總督劉公兆麒疏一請捐納銀米照通直事例一請
吏員照例納銀賑濟一請罰鍰留本處備賑畧曰查
各省自理贖緩春夏納銀充餉秋冬納穀上倉今請
無分銀穀俱留為本處備賑之用每于年終照例造
冊送部查核又曰以上所請三事除米穀照例貯倉
外所收銀兩遇有豐年米賤之時將銀買米上倉其
出陳易新平糶發賑等項事宜悉循常平事例仍每
年報部銷算 巡撫范公承謨疏曰杭嘉湖紹四府
被災雖有輕重之殊民無儲蓄則一除勸輸捐輸及
罰贖米穀發賑外惟是民多米少今不預為之計米
數一盡民必流亡再四思維惟量發司庫存留銀兩
前往江楚採買米穀一照買價平糶與民照數還庫
又曰賑濟恤災之要惟修舉常平倉一法民需實
惠但虛應故事所積無幾一遇水旱凶荒何克有濟

伏乞勅部詳議定例載入考成如州縣果能多方積
貯或官吏捐輸或士民勸納能有若干石者官准紀
錄士民獎勵該督撫嚴飭力行年終報部察核分別
勸懲如有司漫不經心以致有名無實及借端侵漁
者叅奏如此則各州縣或積數千石或積數萬石以
後雖遇災傷無煩發帑金動正項而開倉賑濟不可
勝用矣 部議受災五六分者免十之一七八分
者免十之二九十分者免十之三如順治年例

十一年秋八月蟲免稅糧有差

巡撫范公承謨疏曰浙
省地方水旱頻仍窮苦

萬狀今歲播種之始亢陽為厲小民桔槔車戽其力
已竭七月初蝗蝻遍野官民震怖臣經設法捕禱旋
即飛遁幸不為災閏七月霪霖浹旬窪下田疇頗遭
淹沒臣因監臨在闡未便繕疏業經督臣劉將湖州
五縣一所水灾情形題報在案臣方謂各邑未經水
災之地禾黍離離秋成有望豈意撤闡之日各邑災
民填街塞巷手持枯稻泣訴哀號皆云數日之內偏
被虻蟲立時傷盡司道府縣申報詳驗積案盈几臣

始而駭繼而疑旬日之間何遽有此異變疾駕小艇
 赴仁錢二縣及湖州交界地方數千里間親往察驗
 果見禾稈青黑皆已枯焦穀盡空糝根俱朽爛如蟻
 如虻之細蟲或跳或躍遍滿田中咀嚼未已窮民扶
 老挈幼環哭臣側八月初旬雲雨之後蒸熱數日頓
 產此種不知名目怪蟲攢心食節驅之不得捕之不
 盡坐視噉痛徹心髓從來未有之奇災也臣竊計
 水旱蟲災何年獲有若困于夏秋之交尚可別為補
 救今乃變生垂成之際小民工本已虧精力盡絕三
 府漕白錢糧無處措辦勢必顛越就死臣觀此咄危
 心驚體顫手足罔施此皆臣奉職有乖伏祈
 皇上立賜罷斥重加處分另簡賢能以安黎庶更祈
 皇上破格軫情活此
 百萬生靈云云
 十二年九月杭城災
 巡撫田逢吉
 具題請賑卹

康熙九年五月二十四日杭城災焚民居三千餘
 間是年九月十九焚民居七千城中幾空其半撫臣
 田逢吉具題
 四十二年恩詔
 請行賑卹

皇上五旬萬壽頒赦天下

詔款一雜派項款應永行禁

革以安民生該督撫嚴察禁革如有仍前濫徵者或

經參奏或經發覺

四十七年恩詔

詔款一江南浙

定應從重治罪

江二省今歲俱

有被災州縣應酌留漕糧為平糴散賑之用每省應

截留若干石該部確議具奏又浙省餘杭等州縣秋

月狂風暴雨致民間屋廬傾圮生齒化儂江船漂溺
 人口湮沒田禾悉被災傷殊可憫惻着該撫行該地
 方官察明人口數目應
 作何賑恤速議具奏
 五十年頒詔先行蠲免直

隸浙江等九省地丁錢糧并免徵歷年民欠

皇上御極之五十年恩詔蠲免天下錢糧直隸奉天浙江

福建廣東廣西四川雲南貴州九省所屬除漕項錢

糧外五十年應徵地畝銀共七百二十二萬六千一

百兩有奇應徵人丁銀共一百一十五萬一千兩有

奇俱着全免并歷年民欠共一百一十八萬五千四

百兩有奇亦俱着免徵其餘省分自明年為始於三

年內遞次蠲免俾
遠近均沾德澤
五十二年

萬壽恩詔 着直隸各省嗣後遇編審之期將新人丁實數
繕冊名爲 盛世滋生戶口冊奏聞其續生人

丁永不加賦倘私派錢糧藉端
需索許該督撫嚴查 題參 五十三年恩詔

皇上六旬萬壽頒赦天下 一各省本年地租於康熙五
十三年概行蠲免其歷年逋欠一并察明免其追補

一禁革雜派款項 一着各省督撫
將積穀酌量賑濟毋令奸民假冒支領

附預備倉 初名老人倉洪武初令天下州縣鄉都各量
置倉擇耆老一人主之故名老人倉其法每

遇歲豐縣官勸令諸鄉足食家捐米穀不等儲蓄之
官籍其數凶年許其本鄉下戶借貸秋成抵斗還官
著爲令正統初戶部奏遣郎中劉廣衡巡行兩浙勸
民預備遂改爲預備倉仍籍自願獻官與樂輸者多
寡之數上之戶部請於錢唐預備倉在觀音橋南洪
武二十四年建凡三所一在西溪市一在梁聖皆廢

惟觀音倉獨存後又漸圯萬曆乙巳令聶心湯重建
堂厥垣室畢備便民倉在北新橋南河西水次正統
間巡道周忱建常平倉有東西南北四倉萬曆丙申
邑令湯沐建崇禎末多廢圯不治惟東倉常爲整葺
令貯布政司南米 沈蘭先社倉議曰諸倉皆古法
然官爲賑給不若民間社倉之爲愈也何以言之官
賑率不過一二所社倉則逐里各有建置積之多方
備之無窮而輸散不越境其便一官賑者官自爲之
其勢獨社倉者里人合力爲之其勢分分則共其力
於衆獨則總其勞於已衆力易舉獨任難周其便二
官賑必憑吏胥報舉而吏胥漁獵自資報者未必貧
貧者未必報賑施亦具文耳社倉則有公正好義公
所推服者爲有司分理其事本社孰貧孰富孰上孰
下一一皆有真見粒粒皆有實惠也其便三官賑必
須按里分次第較戶口逐一審問有司或有他務曠
日遲久遂使民枵腹望救或不及一餐以死者有矣
社倉則各濟一方隨請隨給周之若燭照而予之如
取攜其便四官賑不免有盤撥轉運之煩有需索使

用之費有斗斛高下之分有推攬負載之勞而社倉則悉無此累其便五官賑率不過一二所而饑民千萬累足駢肩沴氣薰蒸疫癘不免社倉則各里各坊分局自濟散而不聚自不患此其便六且社倉既立則里閭共為有無必藹然有同室之義一體之情即民德歸厚亦由此其便七官令于國曰出爾私藏公諸同邑非甚倜儻誰肯應之哉惟各勉其同里之人動以惻隱之良勸以陰德之報人豈能恣然于此况賑濟不以他及惟里人得而用之若輸者有時而貧亦反是自取給焉因其利而導之民當趨之如流水矣其便八故曰官賑終不若社倉之為愈也 府志曰夏秋二災功令不出五八月二十日嘗有踰其告災者格以例不之省督臺劉公繕疏極言之且曰五月為仲夏八月為仲秋二十外皆夏秋也何以不得報災

禦火

火災杭城所時有居民稠密一家失火旁舍不救至火勢漸盛遂難撲滅向總督劉公于城守營練

制曰可夏秋皆展期四十日令民受其利

習兵丁四十供救火之用都司僉書親董之每人置號衣一件背縫白布一方上書杭協營救火兵丁某字取粗大明顯該協蓋以印文首戴藍布盔襯以此為識杜奸宄假冒滋害之弊更製火鈎火索鐃鈎麻搭短梯鐵鋸榔頭之類一聞火發都司率以前行觀風勢所向相機拆救期于立時滅息不得虛應故事不許乘機偷搶物件不許任意擊傷居民有一于此定當重處如盡力救熄沿燒不至數家者各兵俱有獎賞其置備火具號衣等項移會布政司動支本部院項下官銀二十兩給發該營以免借名剋餉

禁營兵放債

康熙二十一年總督部院李公之芳題據

關門外見居民閉戶罷市眾百姓稱被土棍勾引旗人放印子錢準折子女貽累親隣不能安生隨即拿獲費繼明劉成金勝甫王尙卿等次日上公衙門及到二門之內見有數百人倚恃旗威成羣狂逞兇橫已極此按察司所親見并各司道府廳縣各旗固山大佐領皆共目擊等語是日辰時臣赴公衙門審理

事件及至隨有旗丁王和尚馬化龍等呈為地虎結黨誑本橫行等事具赴臣告理臣惟清還債務自應據理直陳以憑審斷乃羣聚法紀之地辱毀道官有干功令臣一面會同將軍臣馬將現在不法旗丁王和尚了頭馮二等拿獲一百三十餘名墩門外臣出營門見市舖關閉當即面諭並令仁錢二縣傳諭照舊開張訖其民間所借營債及地棍勾連詐害情由容臣會同查審明白另疏題報奉

旨旗丁土棍放債害民逞兇辱官大干法紀王和尚等該督嚴拿究擬會同具奏二十三年巡撫都察院趙公士麟移咨鎮浙將軍都統為旗兵契券難憑百姓罄償無力謹酌捐賠之法以息紛訟之端事照得民為

朝廷赤子固所當矜而戎伍有防衛之勞亦宜加恤念其握票在手詎肯甘心且其中亦或有償未足本者但索取之橫不休則無窮之害立見本都院藉先人餘蔭薄有貲產再多方挪貸可為量措五千金而貴將軍都統統兵蒞民仁慈素著亦祈俯循鄙見量捐如

數共成萬金傳諭各旗除二十一年以前票約年遠更甚者不准送驗外其餘槩令呈送將軍都統案前驗其數之多寡儘此照分俵給擲還原票在各兵應仰體上人捐賠之意不得復想求多此後再不許盤放不許索取違者重懲

靖浪亭

錢塘江面濶十五里許非舟楫不可渡而舟子橫索借風波以邀利亦時有之總督劉公兆麒

巡撫范公承謨始勒嚴禁且與之約舟大者載五十人小者三十人與錢五文貨則益以三焉踰者有罰然風濤間作沉沒時聞雖舟子貪冒重載以速禍亦行旅孤露無所棲泊所致也使有如周之廬舍漢之鄉亭豈至惘然前進堊江魚腹中耶且唐有樟亭宋有爨亭明有映江樓皆在江上觀潮者率聚于此壁間多名人題咏後世以是地為游觀不知行旅遊子假此息影寓意甚深太守嵇公宗孟尋昔人遺跡捐資創亭行者有所依止者有所庇名曰靖浪亦由昔人之意也嵇公宗孟創建銀杏步靖浪亭引浙

江會城東爲永昌門門外舊有映江樓其地曰銀杏樹名從樹也地濱錢江自吳適越者航于此由越由四明天台適吳者如之多歷年所樹不存浙人謂之銀杏步以步易樹重津梁也步去江一襟帶耳西望城闈幾二里餘浪山濤屋澎湃千里長年操小艇往來浪中舟中人多至百餘最下亦五六十人遇浪起驚魂喪魄必艤岸而後羣相賀也若夫疾雷驟雨白晝猛黑狂雪怒潮廣野昏黃渡甫及半波膠水懦瞪前欲迷却後無所斯時也行旅股栗船子蹣跚乞身命於蛟宮蜃市噫抑可憫矣辛亥之冬時霽雪不止巨浪粘天厄汨羅者七十餘人當路爲之畫船以制畫人以數畫渡以時其爲梯航計者洵詳且悉僕旦夕閱視江步爰念斯人之待命江上者宜察風潮而慎趨避乃蠲俸錢議建靖浪亭于杏步遂粥地步之西南創屋五楹曰知止堂以宿渡者中立浪神殿五楹左右屋翼之外爲綽樸書靖浪坊瀕江石亭懸大鐘于內每風起浪轟戒守僧考鐘鐘鳴渡止卽有渡者招之還宿於庵俟浪平風止再渡江東舡人聞鐘

渡亦止亭附一椽冬以薑暖行者夏以茗涼行者又移救生舡艤亭下無事渡行旅風浪大作以備不測履險如坦自今而後甚風疾雨橫浪奔潮行者不犯往來吳越者覽江上之青峰羨布帆之無恙賀安瀾而頌砥柱官斯土者庶幾免人溺已溺之憂哉亭約六則 一每遇風浪雨雪亭僧卽鳴鐘十八聲凡渡江客舡各停泊止渡如舡隘不便駐歇移宿靖浪菴中俟次日晴霽浪平再渡江東各舡亦聞鐘停渡如約 一問渡行旅日晡昏黃每以城門扃閉退宿無地勉強開船中流風起蕩槳不前悔憾已遲今懸榻有庵應暫投小憩以待次日渡江至于江東渡船夕抵亭下如止宿無所亦聽憇歇 一移駐救生船停泊亭下無事聽其渡客不許過三十人每人各給錢五文違者揆以法遇風浪雨雪一聞亭鐘連叩亟遍諭各船止渡仍將救生船方駕江中以防不測救一人溺者給賞銀三兩遇奸宄執以鳴官每月註冊能拯溺者給賞有差玩愒者懲毋赦 一亭後置廈以僧守之職司鐘也冬月諭煮薑夏月諭煮茶一棟之

內予人寒暑販夫行子既可息肩並資飲噉矣一
 禁假捕流棍混擾菴亭蓋創立庵亭原以避風守渡
 也每日渡人不分吳越任其栖息地方應捕土棍不
 許借名緝逃混入庵亭希圖挾詐前創庵之初曾有
 違犯棍徒當經責枷大通橋三月示衆以後如遇此
 輩擅入庵亭騷擾許守僧協同鄉總公執鳴官按律
 枷擬斷無輕宥一設立庵田官渡建田以濟行人
 薑茶之資無窮而暫歇庵內者風朝雨夕尤不便舉
 火粥飯鹽菜斷不可少今議募庵田數十畝為僧人
 餉客之具往來道路每多仁人君子隨心普濟或二
 三畝或數十畝或一人為之或合力為之
 授籍主僧招種收穫有司不得過而問焉

甘泉庵

太守稽公宗孟監粥記 天下之作奸犯科身
 負重罪內外詳讞麗于爰書朝夕之人給以囚
 糧其不待再計者矣至罪在未入刑牘參詳駁勘動
 淹歲月復有證佐株連踰鄉越府既無葭莩復少故
 舊既加徽纏拘待囚囹圄饗殮不給庾死獄中又非有
 道仁人所忍聞也總督劉公撫楚時不忍重囚之速

斃及牽累者爰有監粥之舉江漢之間誦其孔邇至
 蒞浙士慨然捐貲復為振興而一時縉紳及諸生靡
 然向風共襄盛事而擇僧澹齋主之為之記其事曰
 繫于獄者人數不可定而大約可計也每年四五六
 七月每人日給粥二瓢約用米一石為率其餘月分
 每日給粥一瓢計三碗約用米六斗為率總計每年
 用米二百六十餘石加以僧人食米共需米三百石
 此一歲用米大畧也烹飪之役每月用柴五十担計
 以年則用柴六百担矣每担定直一錢約銀六十兩
 募僧六人每人給鹽菜衣鞋銀七兩二錢共銀四十
 三兩二錢二項每年需銀一百二十兩此用柴薪及
 募僧大略也至于米取田租計田六百畝方可常得
 三百石而田止五百柴與僧衣計銀一百二十而今
 取甘公祠旁房租僅得三十八兩此米與薪不足大
 略也今總督李公巡撫田公當今哲輔惠鮮普澤矢
 于幽獨見諸行事不足之略非今日之所當患也杭
 州知府稽宗孟謹記

國朝癸丑庵燬于是暫借炊于湧金門之三義廟不足再

增竈于鐵冶嶺之洞明院庚申始于故址鳩工築舍
 又請之當事許以黃冊廢庫為儲粟積薪之所其司
 事之人前擇僧澹齋後擇德水議者以歲有豐歉而
 犯法者或眾恐故額不足以濟饑者當是時總制劉
 公兆麒撫軍范公承謨聞之曰此顛連無告者釋之
 則爰書未定繫之囹圄且庾死忍聽之乎乃與藩臬
 諸公共捐俸置田及諸邑中仁人長者助之計置錢
 塘縣徵田二頃七十五畝有奇徵地一畝五分有奇
 蕩一畝六分有奇仁和徵田一頃七十五畝有奇徵
 地二十畝有奇蕩十畝一分有奇穀與薪交有所藉
 矣劉公復慮有田則有糧因以虎林書院之佃租準
 條銀之入以月糧準漕米之入有田後裔永守司事
 而有司不預憲頒六則垂之永久可以式矣其
 紳士之捨田蠲貲者其姓氏具載于經始刊書

漏澤園

漏澤園有五一在錢塘門外護國寺傍一在金
 字牌坊側一在萬松嶺一在慶樂園宋崇寧三
 年詔諸州縣擇高曠不毛地建置漏澤園以瘞暴露
 遺骸紹興間詔臨安府建置其澤尤渥元俗尚浮屠

多水火葬明洪武三年奉旨禁約令所司擇近城郭
 寬閑之地立義塚責令收葬天順四年仿宋制改今
 名萬曆三十年杭嚴道增置義塚十四畝邑人虞淳
 熙為記三十五年府學教授楊元善增置義塚于青
 芝塢以待諸生之貧者學道陳大綬檄勒石道左邑
 人葛寅亮因慶樂園埋骨已滿別置九曜山地八畝
 廣其額三十六年縣令聶心湯查出湮沒義塚共二
 十一處督令土工搜查暴露骸骨盡行瘞埋嚴諭軍
 民以後不許投骨水火并不許于慶樂園亂葬以致
 掘毀舊骼勒石禁約 按武林五方雜處往多外籍
 僑寓之民生則寄食死則寄櫬即土著之民其貧窮
 孤獨者身死之後暴露荒郊况當兵燹之後白骨拋
 零青燐夜泣實繁有徒不可勝載順治年間邑人好
 義者創為悲智一社病濟以藥死捨以棺復又建置
 義塚骨塔瘞諸無主柩骸請于巡撫秦公世楨行之
 康熙七年都閩李某素慷慨好義前總督趙公廷臣
 委以茲役因廣闢其地仍名義塚及陞任總督劉公
 兆麒巡撫范公承謨復檄錢塘續行之義塚之制每

地畫為數輪每輪畫為數塚每塚建小石一誌其名氏鄉貫有子孫識認及拜掃者聽每年所埋人數銀數共計若干除捐助外數有不足詳督撫補給仁政所先此亦一事也

養濟院

在同安坊為仁和疆本縣建屋四十間安置孤老與仁和共

宋崇寧元年詔諸路置安濟坊紹興二年詔臨安府置安濟院十三年又下錢塘仁和以近城寺院克安濟坊籍老幼貧乏不能自存者以常平錢米支給元安濟院給錢米如宋冬夏加之布洪武五年詔天下郡邑立孤老院收養如宋元每口月支米三斗柴三十斤冬夏布各一疋小口給三分之二後院改今名七年詔月給分為四等三十五年詔存恤毋俾失所載之律例憲綱令巡按御史督察初兩縣各置後合為一萬曆中巡撫溫純移北關外未幾復移還此按成化志宋紹興十三年二縣合置安濟院凡六在寶勝院者一在艮山門外者一在善化坊者四今皆久廢乃前志特詳故今分書于下以識先代建置之意

云 孤貧柴布銀一百二十九兩又孤鐸口糧米折銀九百三兩六錢皆銀七錢三分順治十四年奉裁康熙四年正月全給十三年又奉裁十七年地震後又復給

康熙五十六年十一月二十六日奉

上諭

諭戶部朕撫育寰宇五十餘年夜寐夙興為小民勤求生遂凡率土遠近皆期共享樂利聿成家給人足之休未嘗一日不歷諸懷也數十年以來各省正賦累經全免歷年積欠亦已蠲征偶有雨澤愆期或發倉廩散給或截漕糧賑救不惜數萬萬金錢米穀頻沛恩施誠念窮簷之艱慮其至于顛連失所耳近者民力雖已稍紓然念分年帶征銀兩若不格外優寬則小民一歲所獲分納二年之賦以其贏餘贍養室家斷難克足朕每懷及此軫惻良深宜更加殊恩通行豁免今將直隸安徽江蘇浙江江西湖廣西安甘肅等八處帶征地丁屯衛銀三百三十九萬八千三百八十兩有奇槩免征收其漕項雖例不准免亦着

破格施恩將安徽江蘓所屬帶征漕項銀四十九萬五千一百九十餘兩米麥荳一十四萬六千六百一十餘石內免征各半爾部卽行文該督撫嚴飭所屬實心奉行徧加曉諭俾民間無征催之累均沾實惠用稱朕撫卹羣黎至意倘有不肖有司借端朦混私行征收者該督撫嚴察叅處如該督撫失察一併從重處分爾部卽遵諭行特諭

論曰天災流行國家代有而得人爲難故先民有言先王有預備之政上也修李悝之政次也所在蓄積有可均處使之流通轉移又其次也至於散米設粥策之下者矣而其中又不能無做何也報名入冊按期始發里胥得以持其短長而奸吏冒支奸賈僞領

之弊生至於給粥欺弊百端其實惠斯民者幾何也故爲此之要務在得人我

皇上念切民依宵旰不遑屢下蠲租之

詔又每歲截留漕米以備荒歉

恩至渥矣而錢邑四鄉瘠土多而膏腴少城中居人戶半皆逐末不務恒產加以游民交集一遇水旱米安得不騰貴哉故爲民父母者聞旱則誠心祈禱一也已早則具由申詳二也告隣不爲過糴三也檢旱不可後時四也乞常平以賑五也發義倉以濟六也勸巨

室以發蓋藏七也誘富民之興販八也防滲漏之奸
 九也戢虛文之弊十也聽客商之糴糶十一也任米
 價之低昂十二也此雖往昔之陳言然苟用心於此
 亦庶乎其可已

錢塘縣志卷之十二

錢塘縣知縣南樂魏源纂



災祥

春秋書災異最重日食若霜雹螟蝗鵲來巢六鷁
 退飛之類亦往往附見雖不言徵應而勉人主恐懼
 修省之意亦寓於其中錢塘一邑耳凡災祥之所被
 亦廣矣何取乎撮土之志為然而上見於天下及於
 地中被於昆蟲草木不可謂無與也水旱殃民之大
 者回祿之患茲土獨多仍舊志一一分別記之志災

祥

水旱

按蘓文忠知杭州祈雨吳山文有曰杭之為郡山澤相半十日之雨則病水一月不雨則病旱則茲土之水旱易病於他邑可知矣

吳大帝赤烏三年饑

晉元帝大興二年吳郡無麥禾

成帝咸康元年饑

宋文帝元嘉中水

十二年大水

有蠲賑

唐代宗大曆元年浙西水災

十年秋七月大風潮

州溺

民五千餘家船千艘

德宗貞元六年夏大旱

井泉竭渴且疫死者甚眾

順宗永貞元年旱時驕陽三十六州

憲宗元和四年浙西旱

穆宗長慶四年秋浙西旱

文宗太和元年浙西大疫

六年疫

四年夏浙西大

水害稼

五年夏六月辛卯水害稼

七年秋浙西大

水害稼

僖宗乾符三年旱

有蠲賑

昭宗乾寧三年秋七月浙江水溢

壞民居甚眾

宋太宗至道三年旱 知秦州田錫上言杭州荒災狀臣聞彼處米價每斗六十五文饑餓死者不少溝渠皆是死人一僧收拾埋藏千人作一坑五十人作一窖云云 淳化四年 饑

真宗咸平元年旱 時京師及四州軍俱旱 二年饑 五年饑

祥符六年饑

仁宗景祐四年浙江潮溢 壞堤千餘丈 皇祐二年旱

神宗熙寧元年水 嘉祐六年七月淫雨

哲宗紹聖四年旱 元祐五年水六月大水 有蠲賑

高宗建炎二年春正月霖雨 占曰陰盛下有陰謀後一年苗劉為逆伏誅

二十二年夏大蝗

紹興元年二月霖雨 壞城三百八十丈 二年二月大雨電饑

斗米千錢時兵餉繁急民益艱食詔運江東西上供粟給軍餉以寬浙民 五年虐暑 計

十餘日草木盡 秋八月大水 時天目諸山洪水發突高二丈許衝決塘 八年冬不雨 十

岸百餘所漂沒屋廬千五百餘家流尸散入旁邑禾稼盡腐

四年水 二十八年水 二十九年大螟蠖 三十二

年夏六月大蝗 癸巳蝗飛入浙西聲如風雨至七月丙申飛遍畿縣錢塘仁和餘杭皆大蝗丙

午蝗入京城 三十四年四月山湧暴水 流民室壞田禾 六月

大霖雨 七月大蝗

孝宗隆興元年風水傷稼

三月霖雨

壞城郭三百三十餘丈

二年水 七年大饑

乾道元年春二月大饑

疫死殍徙者不

可勝計

二年春正月淫雨至夏四月猶寒

三年秋

八月天目山湧暴水

決民廬二百八十餘家人多溺死

淳熙元年雨 秋七月大風濤

八月大雨水害稼

七月

壬寅癸卯錢塘大風濤決臨安府江隄一千六百六十餘丈漂居民六百三十餘家八月癸未行都大雨

水壞德勝江漲北新三橋及錢塘仁和餘杭縣田流入湖秀州害稼

三年夏旱

四

年夏五月江隄決秋九月江隄又決

夏五月己亥夜錢塘江濤大溢敗臨

安府隄八十餘丈庚子又敗隄十餘里秋九月丁酉戊戌大風雨海濤決江隄二百餘丈

七年

秋七月不雨至於九月

羣臣奉命赦繫囚禱山川

八年夏四月疫

自七月不雨至十一月饑

九年夏五月大亡麥

春大亡麥

行都飢於潛昌化縣人食草木

六月蝗

詔守臣捕蝗焚而瘞之至八月又蝗定諸州官捕蝗

之罰復賞修舉荒政監司守臣

十一年秋七月浙西水

時米價湧貴下令禁

諸州遏糴

十四年夏六月旱 秋七月蝗

光宗紹熙二年饑 四年夏大霖雨

自四月至五月浙東西郡縣壞圩田

害蠶麥蔬菜

五年秋八月大水

八月辛丑錢塘臨安新城富陽於潛縣大雨水

餘杭尤甚漂沒田廬死者無算

冬浙西饑

冬無麥苗

十一月辛亥雨

水 六年水

九年饑

十七年饑

嘉泰元年夏五

月大水三日乃息 二年大蝗 三年夏五月大旱 開禧

元年夏秋久旱大蝗羣飛蔽天 三年夏四月大水浸壞

民廬西湖溢瀕湖民舍皆圯 嘉定元年五月大蝗 二年夏四

月蝗大疫死者甚衆 秋九月大饑殍者橫市道多棄兒 三年春三

月西湖溢三月嚴衢婺徽州富陽餘杭新城諸暨淳安大雨水溺死者衆圯田廬城郭苗種皆腐浸

行都廬舍五千三百間禁旅壘舍之在城外者半沒於水西湖溢 秋七月蝗 七

年夏四月乙卯大蝗自夏徂秋蝗患不息諸道捕蝗者以千萬石計飢民競捕官以粟易

之 八年夏五月大燠草木枯槁百泉皆竭行都斛水百錢渴死者甚衆

十年冬十月浙江濤溢圯廬舍覆舟溺死甚衆 十六年錢塘仁

和餘杭三縣大水

理宗紹定三年夏五月霖雨時連雨四十日浙西之田盡沒於水其不沒者則又

大風駕潮而至頃刻殆盡杭民渡太湖揚子江就食江北者數千餘人皆溺死 嘉熙三年

饑 四年大饑市中殺人以賣路無行人

度宗咸淳元年水 二年秋八月霖雨命擇官審決獄訟 八

年水 十年八月大霖雨

元世祖至元二十四年水 二十五年大水 二十八

年饑

成宗大德二年水 六年七年十一年皆大饑官設粥僊林寺

中飢民多殍死何長者敬德得同志五六人即菩提寺設粥日鬻米七八石或十石始六月至八月凡七十日飢民無死者

武宗至大元年饑 四年水

仁宗延祐元年水

泰定帝泰定元年大水饑 冬十二月海溢海水大溢 壞隄塹侵

城郭有司以石圍木櫃捍之不止

文宗天曆元年秋八月大水沒民田 至順元年水

順帝元統元年旱 三年水有蠲賑 至正十三年大霖

雨凡八十餘日江浙大饑

明太祖吳元年自四月至六月不雨 洪武七年夏六

月旱 八年水 九年夏五月大水田浸者九十五頃 十年

水 三十年夏六月旱

成祖永樂二年三年水 十一年大風潮 十二年水

宣宗宣德三年夏六月大水行在戶部尙書夏原吉奏主事孫冕自浙江還言杭

嘉湖諸郡今夏苦雨江水汎濫田禾滄沒上命即遣行人往與巡撫浙江大理卿胡概周視水災之處以聞又謂原吉曰水旱為災所係甚大卿有所聞當悉言之 正統二年饑 景泰

五年無麥禾

英宗天順元年秋七月蝗害稼 九月旱 五年饑

四年秋七月雨 江河溢 無麥禾

憲宗成化元年饑 八年秋七月大風雨 江海 湧溢 八月

江湖溢 太子少保兼吏部尚書姚夔言南京及浙江杭州府等處守臣各奏今年七月狂風大雷雨江

湧海溢環數千里林木盡拔城郭多頽廬舍漂流人畜溺死田禾垂成亦皆滄損請命廷臣共條所以安民弭患之務

十二年水

孝宗弘治四年水 五年旱 六月大雨水害稼 六月二十

四日午後大雨如注抵暮龍井山山鳳凰山俱發洪水滄沒田禾衝決雲居山城垣 冬十一

月又水 十六年秋大旱 米斗三錢

武宗正德三年十二月大雨震電 十年水 有蠲賑 十

四年大饑 十六年秋八月不雨至十二月

世宗嘉靖元年春旱 三月大水 二年秋七月大風

潮八月又風潮 七月初三日處暑時方久旱是日風雨狂甚拔大木約五六十處天開河等處

海水溢漂廬舍數百家衝決塘壩海水倒流城中河水皆鹽至八月初三日大風潮衝去太平門外沙場

廬舍百餘所 二年春三月大饑 杭州大飢斗米千錢後增至千三四有司賑濟

稻穀人六斗鄉民奔赴枵腹候二 四年秋九月蝨

害稼 自八月間毒熱不解蝨生禾根食禾幾盡 冬十

月晦大雷電雨 十年秋七月大雨水 浹旬不止 西湖溢 十

四年自春及秋恒雨 十八年自春二月不雨至夏六

月井泉 冬十月有流殍集錢塘江時衢嚴諸府皆大水漂流房屋什器

男女至錢塘 二十二年饑 二十三年大旱無麥

禾 米石價一兩八錢飢殍 二十四年大饑疫通浙連歲飢歉

載道富者亦食半菽 百物騰湧米石價一兩八九錢貧民有食草者時知

府陳一貫勸富民出粟命僧于鄉都寺觀作粥以哺

飢民民飢虛食粥多輒病遂染疫癘死者甚衆人歸

咎無濟荒法一貫又以勸借被謗京考貶秩去自是

當事者多避嫌益 二十五年夏六月大蝗蝗飛蔽天自西

不敢講求荒政矣 北來凡二日所過 四十年秋七月至冬十月無水

無年 四五月大雨水苗種湮沒借貸補種民力已疲至

秋徂冬雨水不止田成巨浸草無寸莖米昂貴飢

寒死者相望於道 陳善曰吾鄉嘉靖間乙巳之旱

辛酉之潦災最盛乙巳米石幾二金然鄉村困憊而

城郭不至洶洶細民告匱中人之家尙足暫給羸乏

猶相半也辛酉則不然斗石尙不滿一金而四境悲

咨羣生空竭豈非力詘於賦役之日 隆慶元年水

繁財涸於生計之浸薄乎可憂甚矣

神宗萬曆二年二月丙辰驟熱雷電 三年夏六月大

風潮江海溢 是月初一日夜怪風震濤錢塘江岸坍塌

海寧亦然鹹水湧 六年二月至三月恒雨 八年

五月大雨水 西湖倒注湧金門 十五年水 十六年

春大雨水夏六月旱大飢瘟疫 自三月至五月中雨不

止城內外水皆溢沉竈

疫 五月六月大旱瘟疫甚行餓 二十四年水 二十

六年水 三十年五月龍井水溢大雨頃刻三四尺奔流嶺下壞廬舍山間

棺衝至飲馬橋轎中婦人與輿夫俱溺死 三十三年六月旱錢塘江沙上有海鯁

百條重數百斤居民斫取熬油是月旱至七月無雨 三十五年夏六月大雨

水初三夜大雨嚴州洪水大發漂流男婦衝下錢塘江屋宇全漂燈尙熒熒不滅竹木器皿無算 三

十六年夏大雨水四月至五月終大雨數十日不止水驟漲江上水逆入龍山閘進城西湖

水溢入湧金門湖舟近抵華光廟城門閉十餘日自清波門至府署水深四尺黃泥潭居民水高逼屋梁

餘杭南塘湖為居民盜決水直灌欽賢等鄉一十餘里一夜成丈餘民居蕩盡溺死無算得脫者艤舟以

居逾月水勢始退大野若雲漢稍露一二樹杪蓋二百年僅見之災也米價驟貴一日斗增百錢洵洵思

亂巡撫甘士价太守王畿率同縣令撫戢始定 三十七年秋八月大雨水

是月初七日雨至初十日驟雨如注晝夜不止初九日值鄉試鎖院水深三尺士子危踞木板上屬文南湖諸隄皆決茗溪暴漲

西溪安溪各告水災

熹宗天啟四年饑官出票於祐聖觀平價召糴

崇禎皇帝崇禎元年大風潮拔木壞屋傾鎮海樓圮石坊一十七座積尸蔽江而

下潮退縱橫沙上漆燈松焰明滅洲渚江干諸生孫濟奎率其子琮創募掩之 十一年六

月大水兩山洪漲所埋棺槨浮泛湖中湖水為之腥濁 十三年旱 十四年

大旱蝗飛蔽天連年旱飢斗米千錢民初食豆麥次糠粃不給煮榆皮橡栗食之僵尸載道封

編修吳繼志倡為賑濟之法每里衿紳勸助中戶皆出粟設粥廠數所賴以全活者頗眾較萬曆戊申之

災為尤甚焉 六月大疫呻吟卧蓐者十室而九人皆置尸床下每郭門出尸日數百焉

十五年旱蝗 飛蝗集地數寸草木呼吸皆盡農夫抱禾而泣先是內監崔某以鹽漕奉命兩浙勢焰薰灼人謂蝗從崔監來蓋惡之也

國朝

世祖章皇帝順治二年旱

二年以後比歲不登米石至銀四兩然商賈四通百貨輻輳下

至擔夫騶卒皆能贍給以故米價雖貴而人不驚擾

十二年旱 十八年旱

斗米四百錢數千餘里草木枯死

今上皇帝康熙九年水

十年旱

十一年旱

俱被蠲賑 十

一年水雨

閏七月水淹沒杭嘉湖三府州縣其未淹沒者天忽雨虫飛食米穗有聲如雨萬頃

田禾俱盡

十七年旱

十八年大旱無年

三十二年

夏大旱

五月旱至七月方雨

三十八年閏七月大雨南北兩山

洪水驟發西湖水平高丈餘

裏外兩堤俱水淹沒次日行堤上者深過腰膝山澗

衝出棺槨無數城內西北民居亦水深數尺三日後始退

四十一年秋大旱

四十七年夏五月大水

四十八年秋飛蝗蔽野歲稔

五十三年秋七月旱

五十四年夏初水災秋又旱

五十五年亦然

火 按西湖志曰杭城多火宋時已然居民稠比竈突相接一多竹木畧磚瓦二家事佛燃燈達旦三夜

飲昏酣燭跋棄地四婦女嬌惰篝籠失檢五有此五病遂屢見火災矣

晉高祖天福六年秋七月杭州大火

吳越府署火吳越王元瓘驚懼發狂

疾南唐人勸唐主乘敝取之唐主曰奈何利人之災遣使唁之且調其乏

周世宗顯德五年夏四月杭州火

吳越王弘俶奏杭州十日夜火焚燒府署

殆盡上命中使齋詔恤問

宋高宗紹興元年夏六月臨安火

二年五月臨安大

火

先是熒惑犯氐東南星占曰將相有憂又有火未幾火發頃刻跨山亘六七里燔民居一萬數千家至冬

又火令戶部發廩賑濟

四年正月六年二月行都屢火俱燔

數千家 六年冬十二月臨安大火

燔萬餘家人多灼死

十年

冬十月臨安火

十二年春三月大火四月又火九月

甲子火燔民居將及太室而止

乙丑令有司撤火道周廟垣二十步

光宗紹熙三年春正月己巳臨安火通夕至庚午闌闌

焚者大半 十四年行都火延七百餘家

寧宗嘉泰元年春三月郡城大火

武林紀事云戊寅夜御史臺吏楊浩家火

延御史臺司農寺將作軍器監奏文思御輦院太史局軍頭皇城司法物庫御厨班直諸軍壘四月辛巳

火方滅詔被火之家願于貢院及寺觀住止者聽有司奏燒軍民五萬二千四百二十九家凡十八萬六

千三百八十三口死而可知者五十九人詔出內府錢五十六萬三千五百七十一緡米六萬五千一百

九十二斛四斗付臨安府分賜被火之家錢一千米四斗小兒半之死者人與十千而軍士各家錢二千

米一斛浩遂除名黥隸萬安軍是時朝士皆借官船以居

四年行都大火

咸淳志云

右丞相府火程官劉慶家人延糧料院右丞相府尙書省樞密院制勅院檢正房左右司諫院尙書六部

工部侍郎廳萬松嶺清平山仁王寺石佛庵樞密院親兵營修內司學士院內酒庫門廊屋殿及內中宮官兵撲救許以重賞太廟神主冊寶法物皆移寓德壽宮是夕百官之家盡去都亭避火五日和寧門鴟吻上火忽起有張隆用飛梯騰屋擊鴟吻碎之煙乃滅六日賜諸軍犒賞仍賑恤被燬家奉神主還太廟七日降詔罪已西湖志餘云宋時建都臨安大火二十一日尤烈者五都民市語多舉紅藕二字藕具二十八絲紅者火也皆有識云

嘉定元年春正月臨安大火 火凡四日焚御史臺等官舍十餘所民舍五萬八千九十七家城外亘十餘里死者甚眾城中廬舍十燬其七百官多僦舟以居民訛言相驚

四年春三月臨安大火 焚郡寺等官舍延及太廟詔遷神主於壽慈宮三日火息乃還太廟省部皆寓治驛寺焚民居二千七百餘家

十三年冬十一月臨安大火 壬子郡城大火延燔數萬家禁壘百

二十區

理宗紹定四年秋九月臨安大火太廟燬

丙戌夜行都火延太廟三

省六部御史臺秘書省玉牒所惟丞相史彌遠府獨存洪聖俞詩曰殿前將軍猛如虎救得汾陽令公府

祖宗神靈飛上天可憐九廟成焦土時殿帥乃馮榘也 鋤堂雜志云都城有馬將仕者日以千錢施貧謂之順錢都城大火乞丐之魁率人為搬挈巨細無所失火息為運木石磚瓦丐中有手藝者竭力為興造自後每日

嘉熙元年夏五月臨安大火 自巳至更增施一千 廬五十 三萬

元世祖至元二十三年杭州大火

成宗元貞二年夏

四月杭州火

大德三年冬十一月杭州火

八年秋

八月杭州火

英宗至治二年冬十一月杭州火

文宗至順元年秋八月杭州火冬十月杭州又火 二

年杭州大火

順帝至正元年夏四月杭州大火 四月乙未杭州火燔官舍民居寺觀凡一

萬五千七百餘間 死者七十有四人 二年夏四月杭州大火 先是辛巳三月

江浙行省平章政事只理瓦台衣紅服入城之任兒童謠言火殃來矣至是四月一日火災尤甚燬民廬

舍四萬有奇自昔罕見數百年繁華之地一旦凋敝 三年夏五月杭州火 舊

於車橋火流如鳥飛所指即焚憲副幹樂公輩齊向火叩首曰寧焚予躬勿民菑也言既風轉

明憲宗成化十年夏四月郡城大火 望仙橋北河東蔣氏火延鎮海樓伍

公廟海會寺東嶽行宮玉樞雷院下逮宗陽宮南至侍郎府北至鎮守府東至巡鹽察院西至布政司周

環六七里民居三千餘家

世宗嘉靖三十一年夏六月杭州府管局通判廳火 時

寇初起軍中需火藥甚急諸匠人就廳碾藥碾急火起藥中倉卒不可避人焚死者甚眾有未死者皆灼

膚裂體慘不忍視扶出見河水輒投其中明日皆死 三十五年秋九月郡城

大火 十三日未刻火自熙春橋民家起俄頃遍四方東南逾數里越城飛火至永昌壩達旦始息燒燬官

民廬舍一萬餘間清軍察院鎮海樓亦俱及焉貧甚者官府給米周卹 三十七年秋

八月旗纛廟災 自管局廳碾藥失火之後有司慮有不虞特就廟中碾藥以廟高做火不易侵

也然一藥發火羣藥皆燃熱不可收廟遂煨燼人死者什二三於是命碾藥者皆於空濶地面不復近屋宇

穆宗隆慶二年春正月湖墅大火元日德勝壩火沿燒民居一千餘家座船

四十餘隻

神宗萬曆三年冬十月郡城火二十九日夜火發菜市橋東人從橋上以觀扶

欄忽崩溺水中者無算皆重傷死者凡四十餘競為崇厲昏黑不可行仁和縣梁鵬躬自為文祭之其怪

始絕五年秋七月郡城火延燒東里義和如松三里

次日方息熾民舍千餘家十七年六月火起於木登雲橋馬通政門有銀杏

樹忽焰發煙起江干化仙橋木中生火二十五年二月湖墅大火

一日清明忽起大風湖市北關外金家衛口糧船失火燼北關官廳延燒東西兩岸至牙灣巷江漲橋混

堂巷草營巷南數千家運船十五隻諸生李中華父子兄弟三人相救焚死共焚仁和縣二千九百家錢

塘縣一千七月鴉啣火二十二日有烏鴉啣綿絮然火燒房屋四百餘家

熹宗天啟元年大火三月初五日陳調燮家起火沿燒平安東西如松等坊一十餘里又

飛燒艮山門外數百家初八日又報北良等啣各沿燒十餘家共燒燬房屋萬餘間焚廣豐倉一所合郡

士民洶洶歸咎西湖北山新築亭館太盛鑿傷山脉所致

國朝

世祖章皇帝順治十三年七月火藥局災局設祐聖觀搗藥臼中火燃諸

砲盡發轟雷震地毒焰激射燎斃數十人皮膚焦爛者無算學署方聞聲忽黑骸自墻而墮聖宮遂燔

今上皇帝康熙五年十二月大風火

一晝夜延燒七里燔民居一萬四千四百

餘家斯如坊有長者霍萬言年踰八旬操履醇謹七年之間三失火矣至是嘆憤誓與居燼其子祿科泣

諫不從甘心殉父時風急火熾俄頃烟焰驟至其孫文舉不見祖父即奔入妻子慰阻文舉曰身親之身

也豈有祖父在烈焰中忍置之乎奮身蹈火火已三骸俱存文舉跪祖前猶作勸行狀觀者莫不錯愕贊

嘆詳孝子傳 十年五月二十四日大火 十二年九月

大風火

一晝夜焚房屋七千餘間焚死男婦二十餘口週燔十餘里

三十三年十

二月初八日九曲巷民家火

沿燒至草橋門約七里許自午至酉方止

四

十一年二月十八夜天竺寺火

白雲房起火沿燒禪堂時進香男婦俱宿寺中

昏黑奔竄踐踏死者甚衆

五十三年正月初八日撫院衙門災

六月二十三日大火

太平橋民家火沿燒至東青巷河下燬民居數百家午時起歷

二更方止是日黃昏又府前四條巷火兩縣衙門俱燬火幾達旦

天地星辰風雷冰雹諸災祥

凡妖祥所感有從同者有從異者從同者徵諸

天下從異者見諸一邑也齋莊中正以禋祀鬼神恐懼修省以禳塞災咎此良有司之事而弭患之道乎

漢天漢五年夏五月錢塘江岑石不見

七年復見

曰天漢無五年今從越絕書

後主延熙十二年冬十二月寶鼎出臨平湖

吳孫皓天璽元年臨平湖開

吳人或言於吳王曰臨平湖自漢末穢塞長者皆言

湖塞天下亂湖開天下平近者無故忽開此天下當太平青蓋入洛之祥也吳王以問都尉陳訓對曰臣

止能望氣不能達湖之開塞也退而告人曰青蓋入洛者啣璧之祥也按此時湖隸錢塘未割為他縣故書

晉成帝咸和九年夏四月甘露降于錢塘之柳樹

安帝元興十年錢塘臨平湖水赤桓玄諷吳使開除奏以為巳瑞俄而玄敗

齊武帝永明七年夏六月吳郡太守江敷於錢塘獲蒼

玉璧以獻 朱靈讓獻浙江靈石奉詔刻為佛像靈讓於浙

江得靈石十人舉乃起在水深三尺而浮世祖親授天淵試之刻為佛像

陳世祖天嘉元年冬十一月臨平湖開時江南妖異特眾臨平湖草久

塞忽然自開陳主惡之乃自賣于佛寺為奴以厭之漢以前無考三國屬吳湖又為錢江地至宋太平興

國三年錢俶納土四年改錢江為仁和縣湖始屬仁和

唐高宗證聖元年六月隕霜

僖宗乾符三年天有聲於浙西聲如轉磨無雲而雨是謂天泣

昭宗天復三年春三月浙西大雪平地三尺餘其氣如煙其味苦 冬

十二月浙西大雪江海冰

宋真宗天禧五年錢塘有巨石浮於江林通以問葉杲卿卿曰其當在

萬乘乎未幾真宗晏駕

神宗熙寧五年冬十月杭州地湧血者三流入河腥不可聞

高宗建炎二年春正月杭州地湧血清波門內竹園山下平地湧血須臾

成池腥聞數里明年金
人殺戮萬餘人於此地
三年冬十月歲星見吳分

是年秋上駐蹕會稽時北師初退尚宿留淮西朝議
凜凜懼其反旆范丞相宗尹薦朝散大夫毛隨習甘

石學有詔赴行在所隨入對言按漢志歲星所在國
不可伐今年冬歲當躔吳分而與宋自此口必不能

南渡矣然禦口上策莫先自治願修
政以應天道上大喜既而果不復來
紹興三年八

月地生白毛
浙右地生白毛韌不可斷謠
五年地震

六年臨安地震有聲自西北如雷
詔罪已求直言是
冬偽齊劉麟劉猷

犯順寇濠壽州後
四年金兀术入寇
八年七月雨水銀雨錢
八年雨
錢錢或

從石甃湧出續月令廣義又云紹興八年冬
大雪雨水數十里冰大小皆龜形背具卦文
十六

年春三月臨安雨水
三月行都雨水與唐志貞元陳留
雨水同占木下植而自上隕有上

下易位
之象

孝宗乾道三年秋七月臨安大震雷
夔堅志云軍器坊
兵龍澤性不孝母

常依女以居每澤得俸米母必歸取三斗澤夫婦及
子郭僧屢詬罵之又嚴州陳永年開舖於臨安市狂

悖不簡母恐無以終日積碎金數年得十餘兩藏一
篋永年攫之去母恚悶卧病是秋雷擊澤夫婦并郭

僧及永年
皆一時死
淳熙十三年秋八月臨安地湧血
民家
有血

自地湧出濺染
至屋汚人衣
十六年六月錢塘門旦啓有黑風

入揚沙石塗人驚避
冬錢塘宣義郎萬延之家缶水凝
冰視之桃花一枝明日又成雙頭

牡丹次日又作寒林種種值萬誕辰賓客畢集是日
大寒設缶當席凝冰爲山石上坐一老人如壽星後

結姻王氏父子繼歿家資爲
王所有始知妖也非祥也

光宗紹熙五年冬十月臨安風災

乙亥行都大風拔木壞舟甚眾至戊戌又

大風木盡拔洪容齋隨筆曰元祐五年蘓軾守杭日與宰相呂汲公書論浙西災傷曰八月之末秀州數

千人訴風災吏以為法有訴水旱而無訴風災閉拒不納老幼相踐死者十一人由此言之吏不喜言災

者蓋十人而九矣 十二月南高峯崩地湧血

寧宗慶元六年雨塵土冬十二月無雪桃李華蟄蟲不

藏 按管子曰臣乘君威則陰侵陽盛冬不冰時韓侂胄擅朝陰脅陽之象 開禧三年秋

八月臨安大風 癸酉大風拔木折禾穗果實寧宗露禱至丙子乃息 嘉定六年

夏四月行都地震

理宗紹定四年春三月天雨黃霧 塵土四塞入人口鼻皆酸辛積几案如灰

行者相去丈餘不能識面目 五年春二月有星隕 輪昏黯無光雨連日夜不止

於宗陽宮 甲子朔初更有星如斗自東而西紅光滿地隕於宗陽宮聲殷殷如雷 寶祐

三年春正月臨安雷震

度宗咸淳六年秋七月慶忌塔池水壁立 塔前池水壁立浮苴登木

蕩突久之又時有怪物出水若鐵棺然 九年臨安地白毛生 臨安地產白毛

長四五寸瑩若銀縷焚之臭若羊毛占為大臣專國之兆 按是年蒙古陷樊城呂文煥以襄陽叛

十年春正月臨安雨土 八月天目山崩 癸丑大霖雨天目山崩水

湧流安吉臨安餘杭民溺死者無算 冬十二月庚午錢塘江湖失期

不至 是日度宗梓宮發引至浙江上俟潮潮失期日晡不至

帝熈德祐元年三月臨安雨土 二年二月壬寅錢塘

江潮三日不至 元將伯顏遣人入臨安駐兵錢塘江沙上太皇太后望祝曰海若有靈當使波

壽大作一洗而空之潮竟三日不至

元世祖至元二十五年冬十月丙子夜杭州地震十一

月庚寅又震 始如暴風駕海潮之聲自西南來雞犬皆鳴窓戶磔磔撼動屋瓦俱搖

順帝至正元年春二月壬辰雨核於杭州 黑氣亘天雷電而雨有物

若果核與雨雜下五色間錯破食其仁如松子相傳為娑婆樹子是年九月紅巾入城雨核之地悉遭兵

火 七年秋八月錢塘江午潮退而復至 八年夏

五月錢塘江潮溢 沿江民皆徙居避之 十二年江潮不波 十

七年春正月雨黑水於杭州 河水皆黑 二十年異雲見西

湖

明太祖洪武十年秋七月海潮嘗岸

景帝景泰五年春正月大雪 凡十餘日 七年冬十月

西湖水竭 丙子自秋徂冬數月不雨湖水涸成平陸廵撫都御史孫原貞曰哲人其萎乎未幾少保

于謙冤死都御史蔣琳亦及焉凡官於朝者俱落職京宦為空

憲宗成化十三年冬十一月杭州大雷雨虹見 廵撫御史呂鐘

言雷作虹見皆非時乞修省下禮部覆奏請移文鎮守巡按及都布按三司等官伸寬抑捕強橫恤軍民

練士馬從之

孝宗弘治十年秋七月地震 十八年九月庚子杭州

地震有聲

武宗正德三年六月雨紅水於錢塘 武林紀事云是月某日天雨鄰里巷

道水皆清而故都御史錢鉞家獨紅池塘盡赤 按四年鉞家被籍實錄曰初崇府歲祿一萬石舊例給粳米一千粟米九千弘治間鉞巡撫河南以土產紅粳米四千石代粟米給之然實未嘗奏請也至是崇王請給如鉞擬遂觸劉瑾怒有旨鉞交通王府擅更成法宜重刑籍其家校至則鉞已故矣乃收鉞妻及子應禎等六人婦女臧獲五十五人至京盡沒其家產分戍陝西肅州固原莊浪等衛遇赦不原鉞之收粟為粳實因土產從民便罪不至此而劉瑾用焦芳計欲籍江南大家以快其忿首發於鉞子女纍纍遂垢就逮衣冠 六年春正月杭州大雨電地震 七無不傷之

年春三月杭州地震五月地震七月又地震八月又震

俱轟然有聲 自西北至東南殷殷不絕 翼日地生白毛長二寸許 十二年秋八

月杭州地震 十四年春正月朔冰有花 元日民居屋瓦俱結成花

朶陰處數日不解

世宗嘉靖四年夏五月有星流於杭州 初七日五更有大星自東流西

曳尾長數十丈光明燭地 墜落有聲如雷聞數十里 八年夏五月雨黑水於

杭州 杭城內外遠近皆下黑雨 行者衣服如墨汁污染 二十四年秋七月丁

卯杭州大雨雹 是日大晴朗午餘忽雨雹占者以為當損長吏未幾左布政使司蕭一中卒

神宗萬曆三年夏六月江海溢秋七月江無潮 六年

春正月大雨雪連六七日不止夏四月江潮復至自三年七月後江潮

無波每日潮候止暗長水者兩年至是復至初九日十七年七月大風大風雨

拔木吹倒斜橋天水橋共六座牌坊四座

懷宗崇禎十五年冬十一月長至大雷電是日如溽暑夜即嚴寒大

雪 十七年春正月元旦日蝕既 夏五月星隕凡

二十四日夜中星斗交飛或逆或順或有聲而墮或無聲而隱

國朝

世祖章皇帝順治二年城吟永昌至清泰聲如破鑼自南而北晝夜凡三四鳴三日乃

已 三年七月日華 六年六月地震生白毛如馬鬣徧地如絲

空室僻砌尤多 九月十五日北高峰崩 七年七月日華

又連日日中飛雪

今上皇帝康熙三年慶忌塔傾 七年六月地震生白毛

八年正月天狗星見兩頭銳空中有聲如雷十年四

月大星隕星形如車輪芒角四射下帶數十小星十

九年錢塘江岑石復見丁文策曰浙江浮石漢武帝天

申四月望日海潮自東入小壘捲漁浦浮石自西逆

潮而下望之謂覆舟稍近則石也長三丈餘客以訊二十九

四十七年七月初八寅時颶風大作驟雨翻盆鼓樓及

貢院同時崩圯民間屋瓦亂飛大木偃拔至晚漸息
 五十三年五月十八風雨海嘯上江順流浮屍無數
 五十五年六月初一日旁有黑雲側露五色暈數十道
 至初六日止或曰日華或曰此祲氣也未知孰是 五
 十六年四月十五星變異光矚野起東南亘西北其形
 似船

鳥獸草木蟲魚諸災祥

漢董仲舒治公羊劉向治穀
 梁兩賢皆以物變驗五行於

是占驗生焉禽魚草木本微細然一垂其
 度則一邑之禍福妖災著矣故終之以此

晉成帝咸和六年夏六月錢塘豕異

錢塘民家豕生
 兩子皆面如人其

身猶豕京房易妖曰豕生人頭豕身
 者危且亂豕產子異之甚者也

九年白鳶見

錢塘吳國內史虞譚以獻

宋明帝泰始七年春二月連理木生吳郡太守王延之

以聞

齊武帝永明九年秋七月錢塘獲白雀

唐懿宗咸通二年異鳥來鳴

咸通中吳越有異鳥極大
 四目三足鳴山林其聲曰

羅平占曰國有兵人相食 按
 此黃巢來寇董昌僭亂之兆也

昭宗天復三年秋九月有龍鬪於浙江水溢壞民廬舍

宋真宗咸平二年箭竹生米如稻

按明憲宗成化十七
 年昌化縣箭竹生花

結實如麥世宗嘉靖十七年秋八月又生花結實如小麥民皆採食之二十年竹又生米陳志曰長亘五十里採之而春得黑色碎米味少澁和飴為餅佳其地遂得豐熟則箭竹之有實不止於宋矣 祥

符九年浙江虎入稅場巡檢俞仁祐揮戈殺之 天禧

三年錢塘民謝文信妻一乳三子

哲宗元祐元年秋八月浙江連理木生 杭民俞舉慶七世同居園木連

理

高宗紹興元年行都旌忠觀有蛇異 在柴塚橋有三蛇出沒庭廡大者盈

尺方鱗金脊遇霽即變數行蕉卉間廟徙蛇孽絕 二十五年夏五月太室

楹生芝九莖 秦檜率百官觀之稱賀自檜首相和讐言罷兵文飾太平天下競以草木之妖獻瑞

孝宗隆興十四年冬十二月臨安民婦產怪子 生而能言四日

暴長四尺 乾道六年北關門民居得怪魚 北關門有鮎魚色黑腹下

出人手於兩傍各有五指 淳熙十二年龍山江岸得大魚 二月庚申

龍山江岸有大魚如象隨潮來復逝 十六年錢塘旁江居民得怪魚

鯽首鯉身五色時民詭言夢得魚覺而有魚在手猶躍事聞有司令縱之

光宗紹熙元年三月民家猫生子一首八足二尾

寧宗嘉泰二年秋九月臨安野蠶成繭

元順帝至正八年有豕異 施鹽商家牝豕自食其子箠之人語曰汝不食我我饑自

食我子何與汝事欲殺之啼曰我負汝錢三千七百五文賣我償汝足矣貨之得錢如數 十二

年九月有鵝異

西湖志錢塘盧子明家一鵝伏九雛內一雛三足二足在前一足在后

月中落娑羅子

至正壬辰月中娑羅子隨雨而落仁如松子殼具五色

明英宗正統七年冬十一月民程潤妻鄭氏一乳三子

給鈔米

憲宗成化十六年春三月有五色鳥翔錢塘學宮

時有異鳥

翔於錢塘學宮其文五色諸生異而賦之李旻賦詩高自許可是秋旻舉鄉試第一越四年甲辰狀元及第按七修類稿載旻詩曰五色翩翩世所奇講堂飛止正相宜祇應覽德來千仞不為希恩借一枝羨爾誰知鴻鵠志催人同上鳳凰池狀元魁選皆常事還向天邊作羽儀旻果應此兆

孝宗弘治五年六月虎入城

大雨虎入城蹲三茅觀次日獵人斃之占曰當損大

將是秋都指揮崔亂卒

世宗嘉靖七年五月錢塘有豕異

官巷口吳姓者買李屠猪未烹見膜內隱

隱有字則印書四行也色如蜜大如菽文曰羸官手壁兩身敵功在雞魚則廉矣初行五字第二行二字第三行五字未行二字前後有字割裂分去故不成章按治平中南新街柿木中有上天大國四字類顏書皆不可曉
二十五年秋九月杭州多虎患
杭州屬縣諸山虎聚
成群白口入民家傷人道路無獨行者死傷不可勝紀餘杭尤甚

神宗萬曆二十三年有狗妖

大方伯里民沈氏母狗產一小兒隨即斃之

四十二年錢塘民產怪子

甲寅四月湖市賣魚橋草營巷民家生兒一頭兩面雙耳

四足男女形皆具或曰此未判孿子也

四十三年錢塘有龍魅

西湖三橋

有龍魅幻作青旆懸酒家狀迷者投肆沽酒實湖也竟溺死既築龍王堂以鎮之魅忽飛起掣寶叔塔頂碎接待寺佛閣而遁有請移岳坟前鐵人以投其窟者謂龍畏鐵故也然何以不畏鐵頂耶後此魅亦止

穆宗隆慶五年四月湖墅栗樹生桃九月西溪栗樹生

林檎三枚

熹宗天啟元年虎入城

懷宗崇禎十四年大旱天竺地生粉

是歲大旱饑死無筭忽訛言觀音救

濟群於天竺山掘土三尺下得土細類粉食之不饑民賴以活

國朝

世祖章皇帝順治二年虎入城 三年南北山栗樹生桃

實 似毛桃而小紅潤無核

有雞妖 四足四翅飛能衝天

今上皇帝康熙十七年江上漁網獲玳瑁

丁文策曰玳瑁非浙產出南海

洋中戊午六月江上漁戶網得其一以獻撫軍陳公時徵君徐林鴻在座撫軍問之鴻曰龜圓此方鼉長此短其玳瑁乎 聶志曰隆慶庚午孟夏流福溝甃石忽動啟之得巨鱉廣如車輪紅白色龜頭而三尾聲作馬鳴曳投魚笥中踞牙嚙入乃磔焉胡孝廉文憲竹園在金沙灘門東有三足蟾氣冲人即死一日園丁報蟾出從牖窺之皂色如覆釜張口紅光滿室兩目閃閃似電一時與龍舌嘴之曳練猴滿覺衙之遮道蟾稱為三害焉又有方士捕得蟾如三斗盎月下吐光其光敵月一日忽穢氣不可近已失之矣又日邑神周宣靈王最靈巫迎神必以蟾為兆時見翠蟾三足如芝每躍入神袍袖而沒或曰此月路也

論曰春秋記災記異而不記祥記災以示警也記異

金坊縣志 卷之十一
以防災也不記祥以戒淫也而水旱必書螟蝗麋蝥之類必書所以重民事憂無年也錢浙東西一邑其地屬揚其天文當斗分野日月星辰山崩川竭之異似不足以當之其唯水火之虞乎攷之舊志明以前不必言我

朝八十年杭城大火凡幾十次蓋每歲必火小或十餘家甚或至于戶此雖由人事似亦有天道焉至於春夏之交山水橫發漂沒陷溺者不可勝數則又非人力所能預防其或雨暘不時旱魃爲虐飛蝗蝻賊之

災徃徃見告而無年之患十必有一二焉孰非官於斯者之責歟夫天道遠人道邇裨竈知天道而子產以人事治之吾不如鄭子產執圭璧以策祝請以身填金隄而水波却退吾不如漢王尊躬耕勸農出入阡陌開通溝瀆以廣灌溉使歲屢豐而民多蓋藏吾不如召信臣若乃蝗不入境虎爲渡河桑無附枝麥秀兩岐麒麟鳳凰諸福備至乃

聖朝德盛仁覆之所至豈區區循吏所敢望歟故竊附春秋之義而祥畧焉

